



Meeqqat angerlasimaffiup avataanut inissinneqartartut pillugit angajoqqaanut paaseqatigiif-fiunerusumik suleqateqarnissamik, ersarinnerusunillu piumasaqaasiortoqartalernissaanik Naalakkersuisut suliniateqaqqunissaat pillugu apeqquteqaat aallaavigalugu Inatsisartut oqallinnissaannik siunnersuut. Taamaaliornikkut angerlarsimaffiup qimagutsitaaffiusup nak-kutigineqarluni, angajoqqaallu qaninnerusumik suleqatigalugit, angajoqqaanik siunnersui-neq, katsorsaaneq allanillu angerlarsimaffiup pitsangoriaateqarfiusumik meeqqanut anger-larsimaffimiit qimagutsitaasimasunut piaernerusumik angerlartitseqqinnissaq anguneqar-sinnaaqquullugu.

(Inatsisartunut ilaasortaq, Anthon Frederiksen, Partii Naleraq)

Nuannaarutigaarput Anthon Frederiksen oqallisssiamik soqutiginartumik qaqsimmat, Siumumii-lu ima oqaaseqarfigissavarput.

Ilaqutariit siunnersorneqarnissamik pisariaqartitsisut piaartumik ikiorneqartarnissaat Siumup suli-nermini pingaartilluinnagaraa, taamaasiornikkut meeqqanik angerlarsimaffiup avataanut inissiisar-neq aamma annikillisarneqarsinnaaqquullugu. Ilaqutariit siunnersorneqartarnerat pitsaernerusunngor-lugu ingerlaqqittariaqarpoq, tamatumunngalu naammattumik ukiut tamaasa aningaasaliisoqartar-nissaa qulakkeersimaneqartariaqarpoq.

Sooq meeraq inunngoraangat, kuisikkaangat, atualeraangat apersortikkaangallu nuannaarutiginera kisiat pingaartorsiutigisassavarput? Ajornartorsiornerpaaftigullu akulerunnissarput killeqartittar-lugu. Ima oqaasinnaaqalersimasugununa pissuseqalersimallutalu? *"Uanga susassarinngilakka, angajoqqaavisa nammineq isumagiumaarpaat".*

Sumiginnaasarnermut aallaaviit tunngaviusut Anthon Frederiksenip eqqaasaattut arlaqarput. Kom-munit innuttaasunut sullissinerminni sulisut suliaminnut angummassinnaajunnaarsimanerat, meeqqat sumiginnakkat ima amerlatigilersimanerat allaat sumiginnaasarneq nalinginnaasunngor-simasutut isikkoqalersimalluni. Ilaqutariit iluminni imigassamik, ikiaroornartumik aningaasanoo-rajunnermillu atuinermikkut ajornartorsiulersimanerat. *Aallartiffissarli sumiippa?* Allaangnilarmi qassutit ilassimasut aallartiffissaarunnikut. *Qimattariaqarparput akisussaaffimmik qimarratiginnitarneq!* Allat kukkussutaannut isiginnittarnerput qimattariaqarparput, imminut qiviarsinnaaneq pikkoriffignerusariaqalerparput, immitsinnut aallartiffigisariaqarpugut aamma maani inersuarmi. Angajoqqaat maligassiuinissamik piumaffigisinnaanngilagut immitsinnulluunniit ileqqorissaartumik pissuseqanngikkutta.

Anthon Frederiksenip oqariartuutaa assortorumingaappoq, angajoqqaat meeqqaminnut isumassuinissaat pitsaernerusoq anguniarneqartariaqarpoq, tamatta tamanna anguniagassatut ataatsimoorfittut isumaqtigiffigisinnaavarput. Naalakkersuisullu meeqqat ikiorserneqartarnissaat pillugu Inatsisartut inatsisissaannut siunnersuutissaq pilersaarutigalugu oqaatigaat, tamanna



SIUMUT
INATSISARTUT

Siumumiit suleqataaffigiumaarpalput. Kommunalbestyrelsit ilaqtariinnut qanumit ikorfartuineru-lernissaasa anguniarneqarnissaa pitsangorsarneqartussaasoq isumalluarfigaarpalput.

Pissutsit ullumikkut qulaaniit qiviaraanni sumiiffinni assigiinngitsorujussuupput. Qanga piniagassat malersorlugit siuligut inuusimanerat assigalugu ullumikkut inuuneq ingerlasutut ippoq. Ullumikkut suliffissat malillugit inoqarfiiit suliffissaqarnerusut ornigineqarnerupput ineriartorfiullutillu, taamaattumik suliffissat ineriartortitsisinaasut nunatsinnut tamarmut siammerneqartariaqarput ikeq aatsangasoq uani annikilliartulersissagutsigu.

Meeqgeriveqarnikkut ullumikkut akit ilaqtigut akunnattunik isertitalinnut unammillernarsinnaaqaat, inuuniarnikkut angummanniapiroorneq assorunnarsinnaaqisoq takorloorsinnaavarput, Kommunillu ullumikkut akileraartarnikkut assigiinnginnerisa nunatsinni nammaqatigiinnginnejilaq ilaqtigut eqqormagu nassuerutigisariaqarparput. Allallu apeqqusertariaqakkavut oqallisigisinaasavut nalilersortuaannartariaqarpavut. Agguaqatigiissillugu ukiumut 235 mio. kr. angullugit meeqqanut angerlarsimaffiup avataanut inissittakkavut pillugit aningaasartuuteqartarsimassagutta eqqarsaamernaqaq. Ilanngutinngitsoorumanngilakka pisortanit ikiorssiissut pillugit ikiorssiisarnerput. Ilumoorsinnaanngilaq inuit suliffissaaleqisut illuatungaani suliffissat sulisussaqanngitsut, pissutsit ataqatigiinngillat. Aappaatigut tupinnanngilaq, suliffittaaraangamik namminneq inimut, innaallagiamut inuussutissatigullu pilersulertussaasaramik, taamaalilluni akiligassaqarnermiit pilersorneqarneq ornigineqarnerulerlartarluni. Taamaammat tamatuma nalilersufiginissaa piffissanngorpoq, ilaqtariillumi qassit taamak nalaanneqarsimassappat?

Anthon Frederiksen oqariartuummini ersersinniagaa qanoq isillugu meeqqat angerlarsimaffiup avataanut inissinneqartartut ikinnerpaaffilersinnaagivut allaat tamanna atugaajunnaarsinniarlugu, isuma qaquinneqartoq kusanarpoq angunissaalu tamarmiulluta akisussaaffigisariaqarparput.

Maannamulli meeqqat ilaqtigut angerlarsimaffimmut tujormiffigisaminut angerlarusunneq ajorput, tamanna aamma tusaaneqartariaqarpoq. Taamaattumik ilaqtariit ingerlariaqqinnissaminnut nukissallit siulliullugit ikorneqarsinnaasariaqarput ilaqtariittut katsorsartinnissaminnut.

Angerlarsimaffiilli sakkortuumik atuipiluffiusut meerartaasa illersorneqarnissaat pillugit pinngit-soorneqarsinnaanngilaq angerlarsimaffiup avataanut inissiigallartarnissaq. Meeqqat ilai Kommunimiit atugarliornerat ilisimaneqaraluarlutik angerlartitaqqittarnerat meeqqanit taama eqqorneqartunit paasiみなtsinnejeqartarpoq, pilliutigineqartutullu misigitinneqarnerisa kinguneranik aserortarnerat inersimasungornermikkut kingunipiltsittarlugu. Taamak inuuneqartoqarnera akiussagutsigu inuiaqatigiit tamarmik peqataanissaat atorfissaqartippalput.

Maannamut sakkussatta pingaarnersaraat maligassiulluarnissarput, nersualaarinittarnissarput, isiginnaartuuginnarata akulerunnissamut iliuuseqartarnissarput torersumillu uparuaasinnaanissarput takutikkummallugu tamatta susassareqatigiikkatta. Minnerunngitsumik asanninneq tamani inissaqartittuartariaqarparput. Qujanaq oqallissaarisumut oqallinnermullu.



Laura Táunâjik,

Siumut